



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS GLLOGOC

Numri i lëndës: 2024:127721

Datë: 11.05.2024

Numri i dokumentit: 05672491

P.nr.99/2024

NË EMËR TË POPULLIT

GJYKATA THEMELORE NË PRISHTINË-DEGA NË GLLOGOC, Departamenti i Përgjithshëm-Dvizioni Penal, gjyqtari i vetëm gjykues Shfqet Baleci, me pjesëmarrjen e procesmbajtëses Elheme Kastrati, në çështjen penale kundër të akuzuarës F.G nga ..., Komuna e Drenasit, për vepër penale Shpërdorimi i pasurisë së huaj, të parashikuar nga neni 318 par.5. të Kodit Penal të Republikës së Kosovës (KPRK), sipas aktakuzës së Prokurorisë Themelore në Prishtinë-Departamentit të Përgjithshëm PP.II.nr.1773/2024, datë.18.04.2024, duke vendosur lidhur me kërkesën e Prokurorisë Themelore në Prishtinë-Departamenti i Përgjithshëm, për dhënjën e urdhërit ndëshkimor pa mbajtjen e shqyrtimit gjyqësor, dënim me gjobë, PP.II.nr.1773/2024, datë.18.04.2024, me datë **10.05.2024**, mori këtë:

A K T G J Y K I M

PRANOHET KËRKESA E PROKURORISË THEMELORE-DEPARTAMENTI I PËRGJITHSHËM në Prishtinë PP.II.nr.1773/2024, datë.18.04.2024, dhe gjykata jep këtë:

URDHËR NDËSHKIMOR

E AKUZUARA: F.G, i bija e ... dhe e ..., e gjinisë ..., e lindur më datë ... në ..., tani e ka vendbanimin në ..., Komuna e Drenasit, me numër personal ..., Shqiptare, shtetase e Republikës së Kosovës, e martuar, amvise, e gjendjes së mesme ekonomike.

ËSHTË FAJTORE

SEPSE: me datë 11.03.2024, rreth orës 14:20, në parkingun e Qendrës së Mjekësisë Familjare në ..., Komuna e Drenasit, e akuzuara F.G, me qëllim të përfitimit të dobisë pasuror të kundërligjshëm për vete, e kishte përvetësuar pasurinë e personit tjetër, tani të dëmtuarës A.D, ashtu që derisa e dëmtuara kishte zbritur nga automjeti i bashkëshortit të saj, i kishte rënë kuleta në tokë, ku në të njëjtën kohë dhe vend për rreth 20 sekonda më vonë, kishte kaluar e akuzuara,

e cila e kishte vërejtur kuletën, ishte afruar dhe e kishte marrë dhe ishte larguar nga aty, e tëra kjo ishte vërejtur edhe në video inçizime, më çka të dëmtuarës i kishte shkaktuar dëm material, -
-me këtë ka kryer vepër penale Shpërdorimi i pasurisë së huaj, të parashikuar nga neni 318 par.5. të Kodit Penal të Republikës së Kosovës (KPRK).

Andaj gjykata në bazë të nenit 4,7,17,21,38,43,69 dhe neni 318 par.5. të Kodit Penal të Republikës së Kosovës (KPRK), si dhe neneve 495,359,360,364, 449 par.2.6. dhe par.3. dhe 462 par.2. të Kodit të Procedurës Penale (KPP), e:

G J Y K O N

Të akuzuaren F.G ME DËNIM ME GJOBË në shumë prej **140 (njëqind e dyzetë) €**, të cilin detyrohet të e paguaj në afat prej 15 ditë, nga dita e plotfuqishmërisë së këtij aktgjykimi.

Nëse e akuzuara F.G në afatin e caktuar nuk dëshiron ose nuk mund të paguaj gjobën, gjykata mund të e zëvendësojë dënimin me gjobë me dënim me burg në kohëzgjatje prej 7 (shtatë) ditë.

Kur dënim me burgim zëvendësohet me dënimin me gjobë, njëzetë (20) € gjobë llogaritet barabartë me një ditë burgim, kjo mundësi e zëvendësimit është e bazuar në dispozitën e nenit 43 par.3. të KPRK-së.

Nëse e akuzuara në afatin e caktuar nuk dëshiron ose nuk mund të paguajë gjobën, gjykata mund të zëvendësojë dënimin me gjobë me dënim me burg. Kur dënim me burgim zëvendësohet me dënimin me gjobë, njëzetë (20) € gjobë llogaritet barabartë me një ditë burgim, kjo mundësi e zëvendësimit është e bazuar në dispozitën e nenit 43 par.3. të KPRK-së.

Nëse e akuzuara në afatin e caktuar nuk dëshiron ose nuk mund të paguajë gjobën në tërësi, gjykata do të zëvendësojë pjesën e mbetur të gjobës me dënim me burgim, siç parashihet në paragrafin 3 të nenit 43 të KPRK-së. E nëse personi i dënuar e paguan pjesën e mbetur të gjobës, ekzekutimi i dënimit ndërpritet.

Nëse e akuzuara nuk dëshiron ose nuk mund të paguajë gjobën, gjykata mundet, me pëlqimin e të akuzuares, në vend të shqiptimit të dënimit me burg, të e zëvendësojë dënimin me gjobë me urdhër për punë në dobi të përgjithshme. Urdhri për punë të përgjithshme llogaritet ashtu që tetë (8) orë të punës në dobi të përgjithshme llogariten me njëzetë (20) € gjobë, kjo mundësi e tillë e zëvendësimit është e bazuar në dispozitën e nenit 43 par.5. të KPRK-së.

Detyrohet e akuzuara që në emër të të paushallit gjyqësorë të paguaj shumën prej **20 €**, këtë në afat prej 15 ditë, nga dita e plotëfuqishmërisë së këtij aktgjykimi, e nën kanosjen e përmbarrimit me dhunë.

Detyrohet e akuzuara, që për Programin për Kompensimin e Viktimave të Krimit të paguaj taksën në shumë prej **20 €**, këtë në afat prej 15 ditë, nga dita e plotëfuqishmërisë së këtij aktgjykimi, e nën kanosjen e përmbarrimit me dhunë.

E dëmtuara A,D nga ..., rruga "...", Komuna e Drenasit, lidhur me kompensimin e dëmit të shkaktuar me këtë vepër penale, për realizimin e kërkesës pasurore juridike, udhëzohet në kontest civil.

A r s y e t i m

Prokuroria Themelore në Prishtinë-Departamenti i Përgjithshëm, me aktakuzën PP.II.nr.1773/2024, datë.18.04.2024, ka akuzuar të akuzuaren F.G nga ..., Komuna e Drenasit, për veprë penale Shpërdorimi i pasurisë së huaj, të parashikuar nga neni 318 par.5. të Kodit Penal të Republikës së Kosovës (KPRK), poashtu ka ushtruar kërkesën për dhënien e urdhrin ndëshkimor dënim me gjobë pa mbajtjen e shqyrtimit gjyqësor PP.II.nr.1773/2024, datë.18.04.2024, me arsyetim se ka prova të mjaftueshme dhe të besueshme nga kallëzimi penal që e vërtetojnë kryerjen e kësaj veprë penale nga e akuzuara.

Gjykata gjatë shqyrtimit paraprak të aktakuzës dhe kërkesës për dhënien e urdhrin ndëshkimor, gjeti se janë plotësuar kushtet ligjore për pranueshmërinë për dhënien e urdhrin ndëshkimor pa mbajtjen e shqyrtimit gjyqësor, dënim me gjobë, në vështirim të nenit 495 par.1. të KPP-së.

Gjykata duke i vlerësuar provat materiale të bashkangjitura në shkresat e lëndës dhe atë: kallëzimin penal me nr.të rastit 2024-AG-0131, i datës 22.03.2024, të SP në Drenas, raportin fillestar të incidentit me nr.të rastit 2024-AG-0131, i datës 13.03.2024, të SP në Drenas, procesverbalin e marrjes në pyetje për të dëmtuaren A.D, i përpiluar me dt.12.03.2024, në SP në Drenas, procesverbalin e marrjes në pyetje për dëshmitarin H.S, i përpiluar me dt.20.03.2024, në SP në Drenas dhe procesverbalet e marrjes në pyetje për të dyshuaren-të akuzuaren F.G, i përpiluar me dt.16.03.2024 dhe 21.03.2024 në SP në Drenas, konstaton se këto prova janë bindëse dhe të bazuara dhe njëkohësisht vërtetojnë se e akuzuara ka kryer veprë penale Shpërdorimi i pasurisë së huaj, të parashikuar nga neni 318 par.5. të Kodit Penal të Republikës së Kosovës (KPRK), për të cilën veprë penale është i paraparë dënimi me gjobë dhe me burgim deri në 1 (një) vit, ashtu që gjykata të akuzuaren e shpalli fajtores dhe e dënoi me gjobë në shumë prej 140 (njëqind e dyzetë) € (nëse e akuzuara në afatin e caktuar nuk dëshiron ose nuk mund të paguaj gjobën, gjykata mund të zëvendësojë dënimin me gjobë me dënim me burg në kohëzgjatje prej 7 (shtatë) ditë, kur dënim me burgim zëvendësohet me dënimin me gjobë, njëzetë (20) € gjobë llogaritet barabartë me një ditë burgim, kjo mundësi e zëvendësimit është e bazuar në dispozitën e nenit 43 par.3. të KPRK-së), me bindjen se ky dënim me gjobë është në përputhshmëri të plotë me shkallën e rrezikshmërisë shoqërore të veprës penale dhe përgjegjësin penale të akuzuares, dhe se i njëjti dënim do të ndikoi që të parandaloi të akuzuarën nga kryerja e veprave penale në të ardhmen dhe të bëjë rehabilitimin e saj si dhe të parandalojë personat e tjerë nga kryerja e veprave penale, të bëjë kompensimin e të dëmtuares për dëmet e shkaktuara nga vepra penale dhe të shprehë gjykimin shoqëror për veprën penale, ngritjen e moralit dhe forcimin e detyrimit për respektimin e ligjit, çka është edhe qëllimi i tij i paraparë me nenin 38 të KPRK-së.

Vendimin që e akuzuara të paguaj në emër të paushallit gjyqësor shumë prej 20 €, gjykata e bazoi në nenin 449 par.2.6. dhe par.3. të KPP-së, duke pasur parasysh zgjatjen dhe ndërlikueshmërinë e procedurës dhe gjendjen financiare të akuzuares.

Vendimin që të detyrohet e akuzuara që për Programin për Kompensimin e Viktimave të Krimit të paguaj taksën në shumë prej 20 €, gjykata e bazoi në nenin 36 par.3. nënpar.3.1. të Ligjit nr. 08/L-109 për Kompensimin e Viktimave të Krimit, ku është paraparë se gjyqtarët me rastin e shqiptimit të sanksioneve penale për veprat penale të përcaktuar në nën paragrafi 3.1. të këtij paragrafi caktojnë edhe taksat për kompensimin e viktimave si në vijim: për veprat penale që gjykohen nga Departamenti i Përgjithshëm i Gjykatës Themelore në shumë prej njëzet euro (20 €).

Vendimin që e dëmtuara A.D nga ..., rruga "...", Komuna e Drenasit, për realizimin e kërkesës pasurore juridike lidhur me kompensimin e dëmit të shkaktuar me këtë veprë penale, të udhëzohet në kontest civil, gjykata e bazoi në nenin 462 par.2. të KPP-së, pasi që të dhënat e mbledhura në procedurë penale nuk paraqesin bazë të sigurt për gjykim të plotë e as të pjesërishtë të kësaj kërkesë.

Nga e lartëtheksuara është vendosur si në dispozitiv të këtij aktgjykimi

GJYKATA THEMELORE PRISHTINË-DEGA NË GLLOGOC
DEPARTAMENTI I PËRGJITHSHËM
P.nr.99/2024, datë:10.05.2024

Procesmbajtësja
Elheme Kastrati

Gj y q t a r i
Shefqet Baleci

KËSHILLA JURIDIKE: Kundër këtij aktgjykimi, në bazë të nenit 496 par.2. të KPP-së. i akuzuari mund të ushtrojë kundërshtim në afat prej 8 ditë, nga dita e pranimimit dhe kundërshtimi i drejtohet kësaj gjykate. Nëse kundërshtimi nuk hudhet për shkaqe të arsyeshme, atëherë gjykata do të caktoj mbajtjen e shqyrtimit gjyqësorë sipas aktakuzës së ushtruar. Nëse nuk paraqitet kundërshtimi apo paraqitet pas afatit, urdhëri ndëshkimorë merrë formën e prerë dhe ekzekutohet.